



## A janë të sakta hadithet që transmetohen për vlerën e leximit të sures el Kehf ditën e xhuma?

الحمد لله و صلى الله و سلم على نبينا محمد .أما بعد

Shejh Albani thotë:

*“Hadithi për mbrojtjen nga sprova e dexhalit vlen si për leximin e 10 ajeteve të para të sures el Kehf, ose të 10 ajeteve të fundit. Cilën t’a ketë më të lehtë.”*

**Ka mospajtim te dijetarët në lidhje me saktësinë e haditheve që flasin për vlerën e leximit të sures Kehf në ditën e xhuma.**

Prej dijetarëve ka që i konsiderojnë të dobëta të gjitha transmetimet.

Prej tyre ka që një pjesë të haditheve i saktësojnë dhe një pjesë i dobësojnë.

Shejkh Albani thotë se hadithet e mëposhtme nuk janë të sakta:

من قرأ سورة الكهف يوم الجمعة فهو معصوم إلى ثمانية أيام من كل فتنة تكون فإن خرج الدجال عصم منه ( .ضعيف جدا (وقد صح الحديث من طريق أخرى عن أبي سعيد نحوه دون ذكر :ثمانية أيام [ .ضعيف جدا، السلسلة الضعيفة 2013]

((Kush e lexon Suren El-Kehf ditën e xhuma, ai do të jetë i mbrojtur për tetë ditë nga çdo sprovë që ndodh. Dhe nëse del Dexhali, do të jetë i mbrojtur prej tij))

[Shejkh Albani thotë në Silsiletul ed-Daifeh 2013]

[من قرأ سورة الكهف في يوم الجمعة سطع له نور من تحت قدمه إلى عنان السماء يضيء له يوم القيامة وغفر له ما بين الجمعتين [ضعيف، ضعيف الترغيب والترهيب]

((Kush e lexon Suren El-Kehf ditën e xhuma do t’i ndriçoje një dritë nga poshtë këmbëve të tij deri në lartësinë e qiellit. Ajo do të ndriçoje për të Ditën e Kiametit. Si dhe do t’i falen mëkatet mes dy xhumave))

[Shejkh Albani thotë në (Daif Tergib ue Terhib): Hadith i dobët]

ألا أخبركم بسورة ملأت عظمتها ما بين السماء والأرض ؟ ولقارئها من الأجر مثل ذلك ومن قرأها غفر له ما بينه وبين الجمعة الأخرى - وزيادة ثلاثة أيام ؟ قالوا ( :بلى (قال :سورة الكهف [ .ضعيف جدا، السلسلة الضعيفة 2482]

((A t’ju tregoj për një sure madhështia e së cilës mbush ç’ka mes qiellit dhe tokës? Dhe për lexuesin e saj ka shpërblim sa kjo (ndërmjet qiellit dhe tokës). Dhe kush e lexon atë i falen mëkatet ndërmjet tij (dmth: ndërmjet asaj dite) dhe xhumasë tjetër, dhe tre ditë shtesë? Ata thanë: Po. Ai tha: Surja El-Kehf))

[Thotë Shejkh Albani në (Silsiletul ed-Daifeh): Hadith shumë i dobët]

Ndërsa këto hadithe janë të sakta:

((Kush e lexon suren Kehf në ditën e xhuma, i jepet dritë ndërmjet dy xhumave))

[Shejh Albani e konsideron të saktë këtë hadith. Ibn Haxheri e konsideron Hasen (të mirë), dhe thotë: ky është më i forti hadith në lidhje me këtë çështje]

((Kush e lexon suren Kehf ditën e xhuma, i jepet dritë ndërmjet tij dhe Shtëpisë së Shenjtë))

[Shejh Albani e konsideron te saktë]

All-llahu e di më së miri

-----

و صلی الله علی نبینا محمد وعلی آله و صحبه و سلم